

محراب

ادبیاتی ، اجتماعی ، فلسفی ، تاریخی ، ادبی مجموعه

شیمدیک آید بر نشر اولنور

مضامین

- تربیه مصاحبه‌لری . کلید : آینه‌ها بوسف ضیا ۴۸۵
- « یونس اسره » و « عاشق یونسک غیرمطبوع اشعار » جمیل رافت ۴۹۵
- تصوفک استناد ابتدکی ایکی اساس حقیقه بر ایضاح رشید ۵۰۰
- بوگونکی تورکمنلر و تورکمن یوردی نورکستانی رافت ۵۱۱
- آمونوقال ایدی نه « آفریقا سرگذشتلرندن » جامی ۵۱۷
- و آنادولوتاریخده دینی روحیات مشاهد‌لری « و بوراق بابا ، کیکی بابا » علمی ضیا ۵۲۷
- کتبخانه‌لرده اصلاحات مناسبتله همدون ۵۳۷
- تاریخ مدنیتده کتبخانه‌لر ۱ طاهر صبری ۵۵۰
- « شیخ سروردی » و « حادثه قلی » بوسف ضیا ۵۶۷

حیات و حقیقت : ملیحه نوری — بهار و شفا : سنجیه جمال اورده‌نوس — قطعه : سنیا
رفاعی — غروب وفتی : صبریه صالح — اسکی شرق کیمجه‌لری ، شرف کاظم — صوک بهار :
نزامت صبری — بنیم بایرام : نجات رشدی ۵۵۷

یکی آیه بر نظر : السہیات فاکولتسی ، آنادولی مجموعه‌سی ، آذربایجان استقلال .

شهرزاده بائی : اوقاف مطبعه‌سی

امضا حامد محمدی کن ده اولنا به مجلس صبحونه
 فیه به صبحونه اوله رعد استراک ۱۷ ایلدین حیدر

«امو نو قال ایندی نه» ابن شریف احمد بن الحناط المفسر الفاضل
حکماء جبر حنوب آفرها سرگذشتلرندن صن الصلحاء

کنجده کیمده باشمدن کچن بروقه بی سزه حکایه ایده جکم. بلکه کورد کلامی حامد یانته
 بکزه تهرک ساده جه اوموز سید کوب کچه جکسکزه بن اوله دوشونمه یورم. کورد کلامک
 تماماً حقیقت اولدیغنه حکم ایده رک تیره یورم.
 شمدی حکایه می دیکله یک :

۱۳۲۲ سنه سی، طرابلس غرب بلده سیله سودان ممالکی آراسنده کی تجارت یوللری
 اوزرنده ایشله ین قافله لرک سلامتی تأمین، جزائر فرانسز مستملکه اداره سنک تضیقای
 اوکنده ساحه حرکتلری یک دارالمش اولان «ازغر توارق» قبیللرینی حایه وظیفه سی
 اوزریمه آلمش و محرای کیره کیرمشدم. صوک درجه اوزون ویوروجی برچول سیاحتندن
 صوکر افران منطقه سی کچدم. تشرین ثانی اینک نسبتاً سرین کونلرنده قافله مز آرتق کوندوزلری
 یورویه بیلوردی. افران منطقه سنک نهایت بولوندی و ازغر توارق سنک وطن اصلیلری
 اولان صحرا نواحی سنک باشلادی «امساق السوده» جبالک اک مرتفع نقطه سنه کمشدک
 اوگزده کسکین اوچوروملریله ترسم ایدن کنیش وادیلر غریبه دوغرو آچیلوردی.
 اوکیجه قافله مزک اشیاسی نقل ایدن «تهیل قوم» دوه جیلری ایرتسی کونی داخل
 اوله جغمز «تامیله لت» وادیسنک ایچنده دارالجئون تسمیه اولان مغارنک اوکندن
 کچه جکمز کمال خشیته حکایه ایتدیلر. محرا عربلرینک کیجه لری آجق شرندن چوق
 قورقدقلرینی بیلردم؛ خصوصاً مقتوللرک روح معذب «غوله» حالده مقتل جوارنده دائماً
 طولاشدقلرینه اعتقاد ایتدکلینه چوقدنبری واقفدم. آفریقانک شمالده اکثریتله سیاحتده
 کچیرمش اولدیغم اون سنه لک جیاتمده جنلره، غوله لره دایر یوزلرجه حکایه دیکله مشدم.
 قورقوج طاشلق اوچوروملی وادیلردن، سیاه قیالره مستورکنیش وقورو یا بلالردن وقوم
 چوللرندن عبارت اولان عقامت ویوقسوللق دیارینک اسرار انکیز کیجه لرنده ارضک
 کوندوزده کی سگانندن قات قات فضله جنلر و پرلرک جولان ایلدیکنه عربلر اعتقاد ایدرلر
 هر وادینک برغوله سی، هر قوم تپه سنک بررینی، بر روح معذب واردر. لکن او کون،
 توارقک عربلردن زیاده ارواحه و جنلره معتقد اولدقلرینی آکلامغه باشلایوردم. چولده
 حقیقی برچال حیات یاشایان توارق، کیجه لرک محرایه مخصوص ساکن و اسرار انکیز

سکونی ایچنده یالکیز طفلی مخیله لرینک تولید ایتدیکی خیالات عجیبیه اینامغله قالمالزلر؛ حادثات طبیعیهدن بر جوغنی ده جنلرک متمادی فعالیتلرینه اسناد ایدرلر: قیالقی یماجلری کونشک تأثیریه قیزان کنیش صحرا وادیلرینک ایچنده یاز کونلری بیکلرجه دفعه تکررایدهن، صاری قوم ستونلرخی سیمایه قالدیران و غریب اعوجاجلرله قیوربله رق یکدیگرخی قووالایان کربدادر؛ صحرا هرباننک و عجاج تسمیه ایلدکلری قوملری ایچ، چاقیللری یوزلره چارپان کسکین هوای نسیمی طالعزلری اونلرک نظرند هپ جنلرک اگر معرفتیدر. زواللی بدوی، هرانک مکوک و پرسکون کیجه لرنده، روح یشری لایتاهیلکک عظمتیه تسخیر ایدن اوخاودانی کوزلاک ایچنده دشمن قیله نک باصقیندن زیاده بی نهایه فسحتلری دولدیران جنلرک، ارواح معدیه نک قورقوسیه لرزاندر.

ایرتسی سباح هجنلرمزه بئندیکمز زمان دوه جیلرمز ایچنده الک زیاده جسارتنه اعتماد اوله بیله جک بریسی سچدم؛ بوتارقینک اسمی - همردن محرف - غومه ر ایدی. کندیسنه دارالجنوندن کچدیکمز زمان بی اورایه کوتورده جکنی سویلدم. زواللی غومه ر پک زیاده شاشیردی؛ فقط اطرافنده کی تورک عسکرلرینک کولمه و کندیسیه آکنمه باشلادقلرخی کورنجه اوتاندی، ساخته برجسارت طاقیندی. فی الحقیقه ایکی ساعت یورویشدن صوکرار دارالجنونک حذاسنه یاقلاشدیغمز زمان اوقورقونج یری بزه کوسترنینه غومه ر اولدی. وادینک جنوب کنارینی تشکیل ایدن اوچورووم یماجلرک اوزرنده بر نقطه یی اشارت ایدیور. و آ کلاتیوردی؛

— اوراده کی جنلر قادین جنسندندر، بوجوارده قوناقلانیرسه قادینلر قافله یه قدر کلیرلر و انسانلری دعوت ایدرلر.

بودعوته اجابت اتمک بردها عودتی مشککل برعالم مجهولاته کیمک دیمک اولدیغنی تارق یاریم هر بجه سنی یوزینک قورقونج تقلصاتی و متوحش نظرلری ایله اکال ایدم رک آ کلاتمشدی. بن او اناده دورینله دارالجنونه باقیوردم: یالچین قیالقی برصیرتک سطحنده قانادی آراتق براقیلمش بویوک برقبویه بکنزیوردی؛ اوچوروومک بوکینه قازیلش بویوک بر مغاره نک قایسی کی کورینیوردی. یوزویت بدویلرک برجن افسانه سی بنا ایدم بیلملری ایچون کافیدی.

سیاحت آرقداشم زاندارمه یوزباشیسی ایله برابر دوه جی غومه ری اوکمه قانقد؛ قافله نک یورویش استقامتی ترک ایدم رک دارالجنونه طوغری هجنلری می توجیه ایتدک.

تارق یایان یوریوردی . یازیم ساعت قدر دوام ایدن برمشى بطیدن صو کرا اوچوروملرک اتکنه کلدک . بزقبالقلى طیرمانیرکن هجنلری باغلا دقدن صو کرا بزملاتی اولمى غومه رم تنیه ایتدک . حالبوکه دارالجنونه یاقلاشدیغمز زمان تارق اورتادن غالب اولمشدی . زواللی بدوینک قورقوسنه آرقداشمیه چوق کولوشدک ویولمه دوام ایتدک . بر ایکی قایا دها طیرماندقدن صو کرا آرتق دارالجنونک اوکنده بولنیوردق . قایى وقاناد تماماً اورته دن غائب اولمش ، یالکز قارشیمزده کی قایانک اورته سنده عمودی بویوک بریاریقدن باشقه برشى قالمامشدی . دارالجنونک یانی باشنده کی بویوک طاش قوووقلری ایچنده ودان تسمیه اولونان طاغ کچیلرینک کوبره لری واردی . کیجه لین زیارتلرندن بحث اولونان جنی خانملرک بو ودانلر اولدیغه حکم ایدهرک یالچین بایری تکرار ایدک . هجنلر مزه بیدک . بزمدوه جی برهجن سرعتیه قوشمش وچوقدن قافله یه جان آتمشدی . زواللی غومه ر قورقوسنی ستر ایتمک وحرکتی ایضاح ایلک ایچون بیک معذرت ایجاد ایتمشدی .

بو وقعه دن صو کرا ایکی کون علی الدوام صوسیز تابتا چولنک جنوب کناری کچدک . قارشیمزده تادارات سلسله سنک معوج ومنکسر خطوط ترسیم ایدهرک قورقونج اوچوروملرله نهایت بولان وبویوک قوسلر چیزه رک دوام ایدن خط بالاسی بربرده حالنده افق غربی یی قاپیوردی ؛ سلسله جبالک هیئت عمومیه سی دیولرک قوتلی اللریله یوغورولمش کی ایدی . بو طاغلرک آراسندن کچه جک و اوته طرفنده کی نه نه زوفت وادیسنه اینه جکدک . وادینک ایچنده اولجه شهرتی ایشیتمش اولدیغم مشهور جبل جنونک اوکندن کچدکدن صو کرا غات بلده سنه واصل اولاجقدق . توارق بو طاغه « ایدی نهن » اسمی ویررلر . اولجه فزانک شمالنده کی عربان بادیلرندن کچرکن جبل جنونک حکایه لریله قولاغم دولمشدی . طاغک جوارنده ، کیجه له مک فلا کتنه دوچار اولان بجار ویولجی قافله لرینک باشلرینه کلن وقایع عجیبه ، قافله سنی غائب ایدن تاجرلر ، برجیلانی تعقیب ایدهرک جنلرک الله دوشنلر وگری کله ینلر ، بعضاده فقیر کیدوب زنکین دونلر... والحاصل یوزلرجه افسانه دیکله مشدم . قافله من تادارات طاغلرینک معوج وادیلرینه کیررکن هجنمی برآز توقیف ایتدم و دوه قطارلرینک اوکنده برنجی دوه نک ایینی چکه رک کبطی آدیملرله یوروین غومه رک یانه یاقلاشدم . سسمی ایشیدیکی زمان اوزون ویکنسق توارق نغمه لرینه نهایت ویره رک یوزیمه باقدی . ایرتسی کون نه نه زوفت وادیسنه ایندی کمز زمان جبل جنوبی زیارت فکرنده اولدیغمی سویلدم وبکا رهبرلک ایتسنی مصرانه تکلیف ایتدم . بوقاشاقادن هیچ ده ممنون

ایدر نهن
ایچین

اولدینی سیاسندن او قونیوردی . دارالجنون نجر به سندن صو کرا عومه رک بودفعه یولک
ابتدا سنده بزى ترك ایده رک قاچه جغه هیچ شهیم یوقدی . فقط اوزواللی صحرا چوجغفی
اوزمکدن ذوق آلیوردم ؛ بوصورتله کنديسنه اولان مدنی فاقیتیزی کوسترمک کبی دار
برخود بیندکک تاثیرینه تابع اولمشدم . مع مافیه بوشاقا اوزون و بنم ایچون ا کلنجالی و مراقلی
بر مکالمه نک مقدمه سی اولدی ؛ اوصباح وقت ظهره قدر غومه رله جبل جنونه دائر سوزلر
قونوشه رق یان یانه قطع مسافه ایتدک . دوه جی، هر باندن ایشیتمش اولدیغیم بر چوق حکایه لری
تکرار ایتدی . بومیانده بیلیمدیکم شیلرده واردی .

فاشترینه قدر اینن قویولا جوردد نقابک ظل خفینی ایچنده تارقینک کوچوک سیاه
کوزلری پارلیوردی ؛ بورننک اوجنه قدر چکمش اولدینی نقابنک الت قسمی ایله مستور
دوداقلرنده وحشی برتشم کورور کبی اولیوردم . تام بر ایمان ایله آ کلاتیوردی .
ایدی نه نه ده بویوک برجن قومی واردی ؛ اونک قارشیتسندن تادراتنک طاغلرندن اودان
تبه سنده ده باشقه جنلر اوطورلر . بو ایکی جن قومی بربرینه دشمندرلر و هرقت محاربه
ایدرلر . بریسنک آمونوقالی (توارق لساننده حکمدار دیمکدر) شهر و شدر ؛ اوته کیلر ککته
مان تاروجا دیرلر . کیجه لین بو ایکی طاغک اورتاسنده قافله لری قوندورمق چوق تهله لیدر .
غومه رک سوزلرینه کولدکجه بنی ایناندرمق احتیاجیه بر چوق تفصیلات ویریور ،
سوزلرینی قسملرله تأیید ایدیوردی . اووادیلرده تصادف ایدیلن جیلانلره قورشون آتمق ،
اونلری ئولدرمک و انلرینی ییمک مدهش عواقبی جلب ایده بیلیردی . تارقینک نظرنده بو
حیوانات طابو ، ادیان سالفه نک طوقونولسنی شدتله منع ایتدیکی حیوانات و اشیا قیلندن
شیلردی . بنی اقناع ایچون علاوه ایدیوردی :

— بونی هر کس بیایر . ایسترسه کز یارین کیجه ایدی نه نه جوارنده قوناقلایه لم ؛ سزده
کورور و ایشیدیرسیکنز .

— نه بی غومه ر ؟
— جنلرک حرکتلرینی و سسلرینی . . .

کوردکلری و ایشیدکلری شیلر محیله سنک مولودی اولدینی بریدوینک آ کلایه جفی کبی
ایضاچه جالیشدم ؛ غومه ره سوزلریمک کار ایتیه سی احتمالی یوقدی . تارقینک باطل عقیده سنه
قارشی معنوی بر نفوذدن استعانه یه تشبث ایتدم . جنلر سلطانی شهر و شک بالجه صحرا اقوامی

آمونوقال
هکایت

اوزه رنده کی نفوذ حاکمیتی کو کندن قلع ایتک مقصدیله مؤسس طریقت، شیخ سنوسی خضر تلیزینک مراجعت ایتش اولدینی داهیانہ برتدیری خاطر لادم.

— شهر و ش اولمشدر؛ باقی سکا آ کلاتیم، دیدم. بر کون شیخ سنوسی اخوانیله اوطور رکن بردنبره آیاهه قالمش و حاضر و نی جازه نمازی قیلمه دعوت ایتش، اخوانی بلا اعتراض شیخ آرقه سنده صف باغلامش و غیر مرئی بر جازه نک نمازی قیلمش. ادای صلاتدن سوکرا شیخ اخوانه توجه ایدرک: اخوانمزدن شهر و ش وفات ایتدی جناب حق رحمت ایتسین؛ اولک نمازی قیلق دیمش.

علاوه ایتدم: — سن سیدک سوزینه اینامیورمیسک؟
بیچاره تارق سید سنوسی مرحومک روحنه احمق ایدر کی بر قاج قاریشیق عربجه کله لر تلفظ ایدرک شہلی نظر لرله یوزیمه باقدی.

او کون دوه جینک آ کلاتدینی حکایه لر، روایتلر آراسنده اک زیاده نظر دقیمی جلب ایدن نقطه صوک سئلرده بویکی طاغک آراسنده چادرینی بر وادیدن دیگر وادی به نقل ایدرک صاغر و دیلسز زنجی خدمتجیسی ایله اویا باندہ طولاشان براختیاره دائر سوزلری ایدی. غومره بو اختیاری ده جنلر طائفه سنے ادخال ایدیوردی:

— اوسحر باز اختیاردہ جنلرک امونوقالیدر. اولرک آراسنده یاشیور و هیچ غانہ کلپور،

دیدي.

تادرات سلسله سنک حقیقتاً موحش طاغ جیقینتیلری آراسنده کی وادیلرده، کنیش نه نه زوفت وادیسک قوم بیغیلری، جیلز ایاغین آغاجلری آراسنده، بوتون بکویلرک خوف و خشیتلرینه رغماً او ایصسر چنلر، پرلر دیارنده صاغر و دیلسز زنجیسی ایله باش باشه هم رینی کچرن اختیارک شخصیت عجیبه سی نیم ده چوق مراقی جلب ایتدی، تارقینک ده اسمی بیلمدیکی وقیضه جه کندیسه جنل جنون حکمداری معناسی تضمین ایدن امونوقال ایدی نه لقبی ویردیکی بو آدم کیمدی و نره دن کلپوردی؟ تجسس و مراقی تطمین ایچون غومهری دهازیاده استجواب ایتک ایستدم. تارق فضلہ سویلکدنمی قورقوردی بیلہ میورم، هر حالده مخاطبمندن بشقه بر معلومات آله مادم. ذهناً بر چوق فرضیه لر یاهرق مراقی تطمینہ جالیشدم.

ایرتسی کون قافله مرلا ایدی نه ایلا اودان آراسندن کچرکن نسبتاً یولمزه یقین. اولان جنل جنونی کوستره ک تکلیف ایتدم: — غومره ا هایدی او کمره دوش کیده لم. . . .

تارقى انصاف و مرسته جلب ایدیجی بر نظره یوزیه باقدی ؛ و هیچ جواب ویرمه دن
 يك آهنگ موسیقی شكايتنه دوام ایدرهك دوه قطارینك ایپنی دها حیزله چکدی یولنه دوام
 ایتدی . یولمز او ائنده نادرارت طاغرینك وادی یاتاغنده ایلریله یین بر حقیقتینسك اتکفی
 قطع ایدیوردی . غومه ر برقاج آدیم صو کرا اکیله رك یردن یووارلاق برطاش پارچه سی
 آلدی و بکا اوزاتدی :

— سوزیه اینامق ایسته میورسکز ؛ ایشه جن قوملرینك محاربه لرنده بر برلینه
 آتدقلى قورشونلر

تارقینك لندن آلدیغم مُشْطَم بر گره یه بکزه یین کوچوک چاقیل چوق مقدارده حص
 حدیدی حاوی آغیر بر پارچه ایدی . بن جنلر اوردوسینك بو مدھش مر میسنی عادی بر
 بیله طاشی کی المده اوینا نرق حقیقتاً بر بدوینك نخیله سنی تهییج ایدرهك قدر عجیب اشکالده
 نمایان اولان طاغری تماشا ایدیوردم . صاغده ایدینه طاغنگ خط بالاسی بویوک قبه لری ،
 قله لری ، مُعْظَم سرای وکاشانه لریله اطرافنی صاران قوم دریاسی ایچنده معمور بر اطمیه
 بکزیوردی . صول طرفزده و جنوب شرقی استقامتده اودان طاغی ایسه نادرارت سلسله
 جبالك اُفقنی ترین ایدن بَعْضاً مَعْوج بَعْضاً مُجَدَّب خط امتدادی اوزرنده ایکی یووارلاق
 قبه سی و قله لریله سمایه یو کسلیوردی .

هرایکی جن حکمدارینك مقرر سلطنتلری فرض ایدیلن بو اسرار انکیز عھرا جالی
 آفریقا کونشنك قیزغین شعاطیلله اهتراز ایدن هوا ی نسیمی طبقه لری ایچنده ضعیف بر
 خیال رعشان کی کورینورلردی .

غانه مواصلتمدن صو کرا او صھرا کاربانسراینك وظیفه مه تعلق ایدن متنوع مشغولیتلری
 ایچنده زمان زمان ذهنمی ازعاج ایدن شی جنلر آمونوقالی اختیارك ردای اسراره بورون
 شخصیت ایدی . دوه جینك تعریفه کوره اوکا برسیا ویرمه جالیشمشم . اونی صھرای
 کیر واحه لرنده ، بویوک کاربانسرایلرنده اکثریتله تصادف ایدیلن ، عربانه ، توارق دوه
 جیلرینه حتی طرابلسی ، سودانی کلیجی ، کچی تاجرلره نسخه یازد رق ، رماللق
 و او فوروجیک ایدرهك کچین شارلاتانلره بکزمك ایسته مشدم . کندی کندیمه بوزمره یه
 منسوب اولانلردن بری ده بدویلرک جهالتی حقیقه استثمار ایچون جبک جنونك اوکنده
 نصب خیام سلطنت ایش دیوردم .

غات کاربانسراینده خودان تجاری و وکیللری ایله، اکثریسی تجار حامیلکی و یا حیدودلق صنعتیه تجتین توارق قبائلی رئیسریله یاواش یاواش طانیشوردیم. قافله لرك تنظيمی، تجارت یوللرینی محافظه ایچون هجنسوار عسکری مفرزه لری تشکیلی کی متنوع ایشلرله مشغول اولیوردیم. آرا صیره فرانسزلره تابع هوغار توارقنک غزوه لری ده اکیک اولیوردی. یوتون بومشغلر دولایسیله مملکت حقنده کی معلوماتم کتدکجه توسع ایدیوردی.

آمونوقال

آورایه مواصلتمی متعاقب یرلی اهالی، تجار وکیللری و شاطی قول اوغلی عر بانندن کلوب کچن دوه جیلر بگلوکاریم غات عنوانی اضفده کچیمکدیلر. صحرا اقوامی آراسنده بر قاج تفشکلکی بی اطرافه طوبلایه بیلن، بر واکجه وحتی ساده جه بر قوئو باشنه اوطوران اورانک خاکمی کیسه بیلیر؛ هله برده صفت رسمیسی اولورسه... شهر جوارنده کی وادیلرده اوطوران من غساتن توارقی ایسه بو عنوانی کندی لسانلرنده افاده ایدمک بانامه آمونوقال دییورلردی.

برقاج آی صو کرا ازفر توارق قبائلنک ایچنده اک ممتاز بر موقعده بولنان «کهل آریکن» عائله احرارینه منسوب بویوک آمونوقاللری «اینقدازن» معیتده بر سوری هجنسوار ایله بی زیارته کلدی. اوگون بر آلائی سیاه نقابلی، مزراقلی قیلجلی توارق آراسنده آمونوقال ازفر ایله وقوعبولان ملاقاتمزد کوله مک ایچون کچبر نفس ایدیوردیم. بلجیقادن بویوک بر ساحه بی احتوا ایدن غات و ازفر مملکتی ایچنده طوپو طوپو اوج بیک کشیدن عبات نفوس یاشیوردی؛ بو بر آووج خلقک باشنده ایریلی اوقاقلی، مرئی و غیر مرئی متعدد آمونوقاللر واردی. هله بولنردن ایکسی وبلکده اذی شوکت اولانلری شمه روش ایله مان تاروجا سریر سلطنتلرینی تشکیل ایدن شاهقلره چکیلمشلر یکدیگر یله ابدی کال حرب ایچنده یاشایورلر.

آمونوقال عنوانی تکرار ایتدکجه بلا اختیار دوه جی غومه رک پولده بکا حکایه ایتدیکی ایدی نهن آمونوقالنی خاطر لالیوردیم؛ بلکه ایچمزد حقیقی آمونوقال، جنرل صحراسنه جاکم اولان او اختیاردی. اوگون توارق رئیس ایله برابر کلش اولانلردن اختیاره دائر معلوماتلرینی صوردم. اینجه دمیر قازغیسنی النده طوتهرق بره چوکش اولان برکنج تارق جواب ویردی:

«دوون، نه نه زوقت وادیسندن کچرکن اختیاره تصادف ایتدم؛ ینه ایدی نهن دن اودانه کوچ ایدیوردی. او، ذاتاً هیچ بریده دورماز؛ تادارتک هر وادیسنده کوزیلورم.

یائمه اوطوران غات بلده سی اشرافی توارقك اختیاردن صوك درجه قورقدقلرینی
وقطعیاً یانه صوقولمدقلرینی آكلاتیلر ؛ دكل كندیسندن حق ایجه بونی ، قورو ققامی
وافقلرك ماوراسنه مَضُوب سا كن كوزلریله بدویلری قورقوتان ضعیف دوه سندن ؛
صاغیر ، دیلسز زنجی خدمتجیسندن ده عینی درجه ده تحاشی ایتدكلرینی وهیچ یانلرینه
صوقولمدقلرینی علاوه ایتیلر .

بوا دامك نرهلی اولدیغی صوردم . تواتلی برتاجر ایضاح ایتدی : - اصلاً مرا کشتی
اولدیغی سویلیورلر . بورایه کلهلی ایکی سنه اولیور . بوتون اطلس ، نوات ، نی دی کلت ،
تاشلی وهوغار طاغلرینی ، وادیلرینی دولاشمش ؛ اورالزده کندیسنه تصادف ایدنلردن
ایشیدم . حاله باقیلیرسه برمرابط اوله جق ؛ گیمسه یه قناتی دو قانماشدر .
بوا ایضاحات توارقدن دیکله مش اولدیم برچوق روایتلرك تکررینی موجب اولدی .
اختیار مغربنك مرابطلغی وسحارلغی حقنده رأیلر تشكك ایدیوردی . طرابلس غرب
وبنغازی بادیه لرده فاسلیله ویریلن مغربی عنوانك افاده ایتدیکی معنای بیلیوردیم : جاهل
خلقك وبدویلرك نظرند . مغربی ، علوم خفیة سایه سنده طاغلرده کی محكوكاتی اوقویان
ودفینه لر ، خزینه لر کشف ایدن برسحاردر . بوا دمك نه ایله کچندیکی کلامق ایستدم .
جماعتدن برقاج کیشی یکدیگرینی اتمام ایدمك جواب ویردیلر .

— بك بسید بر صورتده ... دیگر مرابطلر کی تجارك واغنیانك اعانه سیله کینور .
هرای سماء قمر بدر حاله کیردیکی کون دیلسز عبیدی ضعیف دوه سنك یولارندن چكرك
بورایه کلیر وباب تفاغتك اوکند . سورك دینه اوطورور ؛ خورما ، بغدادی وداری کی
بعض تبرعاتی طوبلار . تبرعات مقداری احتیاج درجه سنی تجاوز ایدرسه دیلسز فضله سنی
اطرافنده کی فقرایه توزیع ایدر وكافی عد ایتدیکی مقداری دوه سنه یوکلیر وکیر .

غات اشرافدن بری علاوه ایتدی :

— اختیار مرابطه ایکی سنه در اهالی مختلف عنوانلر ویردیلر . کیمی شیخ الجنون
دیورلر ، کیمی شیخ الجبل ... حقیقته اوننی ابی طانیان فقیه محمد حلالدر . چونکه
اختیار مرابط ایچمزده یالکز اونکله انسیت ایدر ؛ اکثراً نه نه زووف وادیسنده کونلرجه
برابر قالیرلر . فقیه محمد رمل وجفرده چوق قوتلی برذاتدر بلکه اوراده علم نجوم ایله
اوغراشیورلر .

نه نه زو فت وادیسنک جنلر و پریرلر مقرر اولان جبالی آره سنده اسرار انکیز بر حیات اعتکاف
 کچرن اختیار مغربینک اولجه مخیله مده طاسار لادیغم سیاسی کیت کیده دکیشوردی . بو
 آدمک صحرا واحه لرینی دولدیران شارلاتان اوفورو کچیلردن اولدیغنه آرتق قانع اولیوردم .
 کندیسنه ویریلن عنوانلر آراسنده اک یاقیشدیردیغم « آمونوقال ایدی نه » عنوانی ایدی .
 بو آدمی لایققله آکلایه بیلیمک ایچون یکانه چاره فقیه محمد ایله طایشمق ، و سوسه کوتلاشی
 تحریک ایتمدن آمونوقال حقنده کندیسندن معلومات آلق ، قابلسه بو واسطه ایله اختیارله
 کوروشمکدی .

فقیه محمدی طایمده کچیکدم ؛ پک کوزل بر تصادف بو آدمی قارشیمه چیقاردی .
 فقیه ، اکثریا آفریقا صحرا سنده بو عنوانی طاشیان اوفورو کچی شارلاتانلردن دکلدی ؛
 کندی حائده دوغرو و ناموسلی بر آدم اولاراق طایلمشدی . سودان ایله طرابلس آراسنده
 قافله لک طاشیدینی اموال تجاریه نک قید و ضبطی ایچون خائده کی تجار و کیلری طرفدن
 مشترکاً کاتب اوله رق استخدام اولیوردی .

قافله لک تنظیم حرکتی ایچون سه کون تجار و کیلریله مذاکره ایدرکن فقیه ده برابرلنده
 کلشدی . ایشمزی اکال ایتدکن صوکره هر کس چکیلرکن قیوداتی تدقیق بهانه سیله
 فقیه ی آلیقویدم . بر مدت تجارت ایشلرندن بحث ایتدکن صوکره مملکت عابد عمومی
 شیرلی قونوشمغه باشلادق . ملاقاتمه دهها زیاده خصوصیت رنکی ویرمک مقصدیله جای
 ایچمکی تکلیف ایتدم . یشیل عرب چاینگ لایعد کوچوک فنجانلری بر برینی ولی ایدرکن
 حجرا ی کلامی حسن ایتدیرمیه جک صورتده آمونوقال ایدی نه نه نقل ایتدم . فقیه محمدده
 هیچ اماره اختراز کورونمیوردی ؛ بیلدکرنی آکلاندی :

توارقک و جاهل غافلیرک بو آدم حقنده اویدوردقلری خرافه لره اینانمایکنز .
 بو ذات صلاح دندر ، اسمی شریف احمد بن خیاطدر ؛ اصلی مرا کشلدر . فقط تحصیلی
 مصرده در و جوق عالم بر آدمدر . بوتون آفریقا اسلام مالکچی دولاشمقده و بالخاصه
 وادیلرک ، بویوک طاشلق اوچورو ملرک قیلری اوزرنده کی « نه فی نهق » محکوکاتی او قومقله
 وقیم بربری لسانی حقنده تدقیقات اجرا سیله مشغولدر .

فی الحقیقه سینا طاغلرندن آفریقای شمالینک اقصابی غریبنده کی شاهقه لره قدر و حق
 قناریه اطهرینک چالنده بیله هر دور تاریخی به مائد لایعد بربری محکوکات موجود

حاکم جبال
 ایدی نه

اولدیغنی بیلوردیم . توارقك اليوم استعمال ایتدیکی حرفلر بوقدیم بربری جروقاندن مشتق واصللرینه پك مشاهدی . بومحکوکاتی تدقیق ایچون بعضی اوروپالی ارباب علم واختصاصك هوغار طاعلرینه قدر کلهرك اوراده سنلرجه چالیشدقلرینی ده بیلوردیم . فقط مرا کشلی براختیارك بویله زحمتلی وشمیدیکی اسلام عالمی ایچون هیچ ده معتبر اولمیان تدقیقات علمیه یه حصر نفس ایتمش اولسنه احتمال ویره میوردیم . سوبلدکلرینی شبهه ایله قارشیلادیغنی آکلایان فقیه سوزینی تأیید ایتدی :

— اوت بویله در اینانکز . . . هرکسه چه پك غریب کوریلن بو حالی و مشغولیه کندیسنه برچوق عنوانلر قازاندرمشدر . شریف احمد جاهل بدویلرک تعجیزاتندن قورتوله بیلنمک ایچون بوعنوانلردن جوق استفاده ایدیور . مفسد تجار صنفندن ، غاتیلردن ده هیچ حظ ایتدیکی ایچون یالکیز بورایه کوله سنی کوندیریور و معین بعض ذواتک اعانه سنی قبول ایدیور . باشقه لرینک ویردیکلرینی فقرایه توزیع ایتدیرر .

محرر سیاحتیه چیقمادن اولم مخصوصاً کتیرتمش اولدیغیم بر قاج کتابده توارقه عائد مبختر میاننده تهنه ق حرفلرینه دائره معلومات واردی . هندسی اشکال منتظمه سیله بحر سفید اقوام قدیمه سنک قوللاندرلری یازیلره هیچ بکزه مین وتماماً مستقل و مجهول بر اصلدن نشئت ایدن بو حرفلر حقتده بعضی شیلر بیلوردیم . قارشیمده بو پایده معلومات آله بیله حکم بر ذاتی بولدیغمدن دولایی پك نمون اولدم کندیسندن صوردم :

— شریف احمد بویازیلری او قویا بیلورمی ؟

ارتق اختیار مرابطی حقیقی نامیله تسمیه ایتدیکمندن دولایی فقیه پك محظوظ و منبسط کورونیوردی . ایجه پارمقلریله قیورجق سیاه صقانی قاریشدره رق جواب ویردی :

✓ — اوت ، یتمش بش یاشنی مجاوز ایتمش اولان شریف احمد پك عالم بر ذاتدر . قدیم بربری محکوکاتی حل و تفسیر خصوصنده کی وقوفی ایسه ناقابل اعتراضدر . بر قاج آی اول «ادرین کهل قو» وادیسنده یکی کشف ایتمش اولدیغنی برچوق محکوکاتی قسماً او قومق ایچون غنی اورایه دعوت ایتمشیدی . بر قاج کون برابر قالدق ؛ بوده ، جاهل خلق آراسنده برچوق دیدی قودی بی موجب اولدی . شیمدی باناده نظر احترازله باقیورلره سوزینی کسهرک متهالکانه سوال ایتدم : — او قودینی شیلری خاطر لیور میسکز ! فقیه حافظه سنی زورلایان بر آدم کی قاشیلری چاتیق بر آز دوشوندکن صوکره حکایه یه باشلادی : — سوبلدیکی اسملری ذهننده جوق ارادیغیم حالده شیمدی بر تورلو

خاطرله میورم؛ هر حالده قدیم بربری اقوامك خرافه لری، روایتلری میانده دهاسکی زمانلرده یاشامش انسانلره عائد عجیب حکایه لر ایدی. اللهك غضبني جلب ایتمش انسانلره، بالجمله سکانی ایله دکیزلرك اعماقنه چو کش مملکتلرك احوالنه داژدی.

ارتق هیچ شبهه ایتمیوردم، توراقك آمونوقال ایدی نه، عنواتی اضافه ایتدیکلری شریف احمد مهم برکشف اجرا ایتمش دیمکدی. افسانه ویا حقیقت اولدیغه دائر برچوق مناقشاتی، بحر محیطك اعماقده تحریات فیه اجراسنی موجب اولان هر کسجه معلوم اطلانتید قطعه سنه دائر و قدیم اطلانتلر حقنده معلومات صحیحه استحصالی بلکه بنم ایچونده ممکن اوله جقدی. ایچمی بویوک بر سهوینج قابلامشدی. قابل اولسهیدی همان اورایه متوجها حرکت ایتمه مزى تکلیف ایده جکدم. وجهمده کی تغیرات، فقیهك نظرندن قاجادی : — شریف احمدك کشفیاتى مراقبى موجب اولیور غالباً ! دیدی.

باشمله تصدیق ایتدم: — بو محکوکاتی کورمك و شریفك تفسیراتی دیکله مك ایستردم دیدم. و هر تورلو شبهه و ترددی ازاله ایچون یول چانطه مدن چیقاردیغم فرانسه جه بر کتاپده کی نه فی نهق یازیلرینی کوستره رك علاوه ایتدم: — آوراده کوردیککز یازیلر بونلره بکزیور دکلی؟

فقیه کوستردیکم خطوطی دقتله معاینه ایدره ك جواب ویردی: — بونلره نه فی نهق جدید... وادرین کهل قوی وادیسنده کشف ایدیلن حرفلر اك اسکی بربری حرفلردر؛ و شیمدی به قدر امثالی کوروله مشدر، دیدی. بر آرز توقفدن صوکره النده کی یشیل چایك صوكر فنجاتی ده یاواش یاواش ایچدی و بیتیردی؛ آیاغه قالدهرق سوزینی ا کمال ایتدی:

— مادام که بو محکوکاته قیمت و اهمیت ویریورسکمز؛ شریف احمد سزه ده لاژمکلن ایضاحاتی کال ممنونیتله ویرر. شریف دنیا کورمش لطیف بر ذاتدره ایسترسه کز برابرجه تردینه کیدلم...

بو تکلیفی مکالمه مزك باشندن بری کال تهالکله بکلیوردم. شریفی زیارتدن نه درجه ممنون اوله جغمی آکلاندم. رفاقتمه بر قاج نفر عسکر آلمق مجبوریتته بناء گندیسنی قورقوتماق ملاحظه سیله شیمدیدن مکتوبله بر ملاقات طلب ایتمسی موافق اوله جغنی فقیه محمده سویلدم. مخاطبم بر قاج کونه قادار شریفك کوله سی کلدیکی زمان یازه چغنی وعد ایدره ك اودامدن چیقارکن:

— توراق سزكده جینلره قاریشدیغی کیزی کورورلرسه یانکزدن قاچاقلره دیدی .
 فقیه قانی به قدر کولهرك تشیع ایتدم؛ بو گهابك نیم ایچون آیری بر قوت تشکیل
 ایده جکینی دوشونیور، دها زیاده ممنون اولیوردم .
 نهایت آمونوقال ایدی نهنی، کوره جکمه مطمئن اوله رق ملاقات کوننی بر نشئه
 بکلیورم .

*
* *

اون کون صوکره غات قیشله سنک اوکنده بویوک قورنا آغاچلرینک کوالکسندبه
 اوطوریوردق . کونش غروب به یاقلاشیور، نیسی سیرینلکدن استفاده ایدن اهالی شهردن
 خورمالقلره دوغرو یاییلیوردی . فقیه محمد اوکمزده کی تپه دن شهرک باب قفاغت مدخلنه
 منتهی یوقوشی چیقیور و بزه دوغرو کلیوردی . عربلرجه معتاد اولان سلام و استفسار
 خاطر مراسم مطوله سنی بیتزد کدن صوکره یانی باشمده اخذ موقع ایدن فقیه بر هفته اول
 شریف احمده زیارت نیتده اولدیغی یازدیغی سویلیدی و علاوه ایتدی :
 — ایستدیککز زمان شریفک یانه کیده بیلیرز .

— همان بویکجه نصف الیلدن صوکره قمر طلوع ایدنجه حرکت ایدر، صباحه قدر
 یورورسه ک کونش اورتالنی ایستمه دن و آدرین کل قوه وادیسنه واریرز، دیدم .
 یانمده اوطور مقدمه اولان غات بلده سی محافظ بولوکی قوماندانه عبدو چاووشله ایکی
 نفر هینلی بی پانا رفاقت ایتک اوزره حاضرلمسینی سویلدم و خدمتجه چائی، قونسروه
 قوطولری کبی خفیف نواله احضار ایتسینی امر ایتدم . عبدو چاووش فزانده کی قطعانده
 اکثریتبه تصادف ایدیلن زنجی عسکرلردندی . توراق لسانخده پک ایی قونوشدینی ایچون
 سفرلرده دائما یانمده بولندیرردم . بر نفر هینلرمین بری یکده آله رق کیجه یاریسی غاتک
 شرق مدخلنده، باب قلالة اوکنده فقیه محمدی بوله جق و اورادن کچرکن بزه ملاقی
 اوله جقلردی .

او آقشام یکمیزی قیشله نك چنوپ شرقی طرفنه ناظر برجی اوزرنده ییدک . غرب
 طرفده کی صواغون ضیالر تماماً غائب اولمش، صحرا کیجه سی بوتون عظمتیه باشلامشدی .
 میلیونلرجه ییلدیزلرک صاچدینی اسرارانکیز ضیا ایله نورلانیان واحه نك خورمالقلری آیاغمزک
 آلتنده کی تپه نك یماجی اوزریتبه شریلش سیاه براور توکی وادی به دوغرو اینیوردی . هر کون

صحرا سطحی تاراج ایدن بوغوجی روز کارلرک خیر پالادیغی زواللی خورمالر ایچه یاراقلی دالدرینی اوزاتمشلر ، کیجه نك سکون تامی ایچنده اویقوبه دالمش دیکله نیورلردی . بر جك اوکنده کی بویوک مَنبَک بلوری صولری ده کیجه نك درین سکوتی اخلال ایتمه مک ایچون صوصمشلردی . ته نه زونت وادیسنك کنیش یاتاغی دولدیران قوملق ، کیجه نك نفس سحرایله دوکش نهایتسز بر عمان کی متوکی دالغله لریله اوزایوب کیدیوردی . ده اوتبده تادرات جالی صحرا کیجه سنك ستره پُرسرا اری آلتنده خوابیده فیلر ، ماستودونتلر کی عظمتلی کومبتلر ، کومه لر حالنده کوریلور ؛ و طاغلرک اوست چیز کیسندن اعتباراً سما باشلیوردی ؛ درین قویو ماویلکی ، لایعد نجومی و اولجوسز ، نهایتسز عظمتی ایله مفکره مزه حاکم اولان ، روجزی ماسوادن تجرید ایدرک لاتیناهی ابعاد و اعماقی ایچنه جذب ایلین صحرا سماسی ...

بیلم صحرا کیجه سنك ذوق عظمتی هیچ طانیدیکزمی ؟

صحرا کیجه سنده انسان ، ارضك مسکون اقسامندن چوق یوقاری ، روحی سمواتک سینئه سیرا اینه اعلا ایدن شاهقه لره ارتقا ایتش کی یاشایانلرک ولوله سنندن ، نشئه و کدرندن اوزاقده ؛ تنها ، کنش برسدیر استغراق اوزرنده لایتناهی لک سمای عظمتی ایله قارشیشیر ، کوچولور و دوشونمک قدرتی غائب ایدرک مستغرق اولور . روحه حاکم اولان رحس واردر ؛ نامحدود بر قدرت و عظمت دویغوسی ...

او کیجه ده بویله علوی و مکوکب برچول کیجه سی ایدی ؛ هیمز استغراق ایچنده سکوت ایدیوردق بن حرکت زماتی بکلیوردم . شهرک شمانده کی قوقهن تپه سنندن بر یاقوش اوتمهک باشلادی . کیجه قوشنك قورقونج سکسی سا کن هوا طبقاتی تهزیز ایدرک اوستمزدن کچدی و خوزمالق ایچنده غائب اولدی . برچوجق اویقوسی کی درین و پرسکون صحرا کیجه سنی صارصان بوانین موخش حقیقتاً ماورای قبردن کلن برسش کی تأثیر ایدیوردی . عذاب ایچنده قیورانان و صحرای فریادلریله دولدیران ارواحک وجودینه بن ده دوه جی غومه رکی اعتقاد ایده جکم کلیوردی .

نهایت کیجه یاریسی اولدی . قر افق شرقی بی ستر ایدن تادرات سلسله سنك اوزرنندن و آقاقوس زروده سنك صاغندن طلوع ایدرکن هجرلرک اک سودیکم بیاض ا کدال « دوه سنه باندیم . کوچوک مفرزه مز غانک کریچدن اعمال ایدلمش سوولری ایله باغچه لری اراسنده کی یولی تعقیب ایدرک باب قللاه اوکندن کچرکن فقیه محمدله دیکر نفرده بزه

قاتیلیدیلر. بر چاریک قدر یورود کدن صو کره غات بلده سی ایله قوقدن تپه سنک ظل کشیفی
نظردن غائب ایتدک؛ سکیار قوم دالغالرینک ایچنه کیردک. آرتق یولمز نهایتسز اینیش
ویوقوشلرله قوم تپه لرینک آره سنده اعوجا جالر ترسیم ایدهرک دوام ایده چمکدی.

قوملقلر آراسنده برمدت قطع مسافه ایتدک. صول طرفزدن توارق قیزلرینک چالیدی
ایمزا دجالغیسندن. بر نوع ابتدائی کالچه دن چیقان خفیف وبوغوق براهنک، مدیدومطر دبر نغمه
شکوا یه قاریشه رق بزه قادار کلیوردی. او ائنده ال یوکسک بر قوم تپه سنی آشوردق؛ اطرافزده کی
قوملق ساحه قمرک ضعیف ضیاسی آلتند. او یومقده اولان بر قویون سوریسی کی -
متوالی تومسکلرله انکشاف ایدیوردی. تپه نک اوزرنده توقف ایتدم و دیکله مکباشلادم.
مکوک و محتشم صحرا سها سنک آلتند ایدی خواب سکونه دالمش، حیلاق قوم بیغیلریله
ستر ایدلمش بوتولو بقعه آرضده ایمزاددن چیقان بکای اشتکا افق حیاتک اوته سنندن کل
بر اینن - انسان آفله نک اینن اضطرابی کی جولک سکون و تنهایی ایچنده سها واته
یوکسیوردی. یامده یورومکده اولان فقیه سنک کلدیکی طرفی کوستره رک :

— بنات محی نک چادری ... غالباً بو کیجه زیارتچیلری وار، دیدی.

بوتون توارق قیزلری کی آچیق و سربست دولاشان، قیله نک کنجلیله صاحبهره قدر
ایمزا دجاله رق سکر ارایلی ترسیم ایدن بو کوزل قیزلری طانیوردم؛ اولجه ازهره امونوقالی
اولان مشهور بر رئیسک قیزلری ایدیلر. یحی نک اسمی تلفظ اولندیغی زمان بلا اختیار
آرقامه دوئدم؛ اوزاقده غات بلده سنک سیاه قالین بر چیزکی کی دوام ایدن سورلری اوزرنده کی
یقینق قلعه نک بر بیغین ییلدیزلر آراسنده ترسیم ایدن ظل کشفه باقدم. یحی نک او قلعه یه
هجوملری و آونی تعقیب ایدن سوره کای مقاتله ائناسنده اوراده و دوغدوقلری یورددن
بیکارجه فرسخ اوزاقده امقتول دوشن تورک ضابط و عسکرلری، عینی محاربه ده قتل
ایدلمش اولان یحی بی؛ سحرانک منسی بر گوشه سنده وقوعبولش اوفاجعه یی دوشونورکن
ایمزا دک سسی بی ده ازیاده متأثر ایدیوردی؛ بلکه او آنده بنات یحی ده پدزلری امونوقالک
حیاتی تعقی ایدیورلردی. صحرا اقوامنده وقایعنامه لرک نشیدملر حالده اغزندن اغزه
انتقال ایتدیکنی بیلوردم.

قوملرک آراسنده یولمزک دوامی مدتیجه فقیه محمد بانا بوتون اووقایعک تفصیلاتی حکایه
ایتدی. اوزمان اوزرندن یکر می بش سنه کچمش اولان اووقعه یی بیلدیکم حالده ینه تکرار
دیکله دم. صحرا اقوامیله یاشادیغکنز مدتیجه بیلدیکنز وقعه لرک، روایتلرک تکرار تکرار

افسانه لرله قاریش دیر یه رق حکایه ایدلمس نه سزده راضی اولورسکنز ؛ هر دیکله یشده دوشونمک و دیکله مک احتیاجنی تطمین ایدن یکی بر ذوق دویارسکنز .

بر قاج ساعت یوره یشدن صو کره فجرک کلکون ضیالری اورتالنی تماماً آیدینلا تیرکن چیللاق قوم پیغینلریله مستور ساحه یی کچمش بولنیوردق ؛ تادرات سلسله جبالنه ایجه یاقلاشمش دق . آفاقوس بر حکمدار تاجنه بکنزه یهن زروه سی ایله صاغده ، جبل اودان ایکی بویوک قبه سی ، متعدد طاش قلعه لریله صولده اولق اوزره اوچوروملرینک بوتون تفرعاتیله کورونیورلردی . براز صو کره کونش بر جمله ده آفاقوسک اوزرندن فیرلادی و دوغدی . فقیه محمد بو ائنده صول طرفه توجه ایتمش ایدی نهنی اشارت ایدیورلدی :

جبل جنون

وادی نک غریبنده کی کنیش قوملق ساحه ده متعدد قبه و قوله لری کونشک ایلك شعاعایله یالیزلانان اسرار انکیز جنلر اطه سنه باقارکن جواب ویردم :

— اوت شهر و شک مکر سلطنتی . . . صو کرا اودانی کوستره رک علاوه ایتدم : یوراده ده مان تاروجا او طور ییور د کلی ؟

فقیه کوزلرینی سمانک فسحتلرینه نصب ایتشدی ؛ دوداقلرنده عجیب بر تبسم واردی . بر قاج ثانیه توققدن صو کره جواب ویردی : — زوالی جاگل بدویلر . . . براز تر ددن صو کره سوزنی صریح بر جمله ایله اتمام ایتدی : شریف احمد اونلرک حقیقتی سزه ده ایی اکلاتیر .

فقیه بوسوزلری سویلد کدن صو کره هجینی سورهرک بزدن آیریلدی و او کمزده کی ایلغین آغاچلرینک کومه لری آراسندن کچدی ؛ بو صورتله گندیسنی ده فضلله سویلتمک امکاتی سلب ایدیورلدی براز صو کره بزده عینی آغاچ کومه لرینی کچیوردق . آغاچلرک اوتنه سنده فقهی خفیف بر تومسک اوزرنده کوردیم ؛ وادی ته نه زوفک شماله دوغری توجه ایتمش اوزاقدن اوکنده دوه سی سورهرک کلن بر زنجی ایله اشارت لر تعاطی ایدیورلردی . زنجی اوکنده ایکی طولوم صویوکلی ضعیف بر دوه یی ائنده کی چوماغیا سورییور و یاقلاشیورلدی . محیر العقول ضعیفی ، ایجه بونی و قوری قفاسیله نظردقی جلب ایدن دوه یه قیصه ماوی گوملکی ، ضعیف و عضلی باجاقلریله ارقاسنده یورویان زنجی به یاقلاشدیغمز زمان توارقک بادی خشیتی اولان بو ایکی مخلوق عجبی ،

آمونوقال ایدی نهك دوه سیله خدمتجیسی طانیدم. فقیه زنجی ایله سسز مکالمه سنه نهایت ویره رهك ایضاح ایتدی :

— مسرور وادی نهاله دن صو کتیریور . شریف احمد او کمزده کی وادینك ایچنده وچنلرده کندیسنی زیارت ایتدینکم یرده ایمش آرامق ایچون وقت غائب اتمه یه جکیز . صاغیر و دیلسز خدمتجینك اسمی مسرور اولدیغنی بوضورتله او کرندم . ارتق تهنه زوقتی کریده براقه رق وادرین کل قو وادیسنه کیرمشدك ؛ جبل اودانك ایکی معظم قبه سی باشمك اوزرنده کورونیوردی . ایلغین آغاچلرینك ، جالی کومه لرینك اشارت ایتدیکی سیل یاتاغنی برمدت تعقیب ایتدکدن حو کرا او کمزده اولدقجه کنیش وکنازلری اوچورومله چوریلش بر ساحه یه چیققدق . اوراده شریف احمدك جاری بر اوچورومك دیننده قومسال اوزرینه قورولمشدی ؛ چادر ، عرب قادیلرینك اوردیکی علی العاده سیاه قیل چادرلردندی . بزى اوزاقدن کورن اختیار چادرینك اوکنه چیقمشدی . هنجاریمزی یره او طور تمقله مشغول ایکن فقیه محمد بزدن اول طاوراندی و سریع خطوه لرله اختیاره یاقلاشه رق الهی کال جرمتله اوپدی ؛ وزی کندیسنه طانییدی شریفله طرابلس مر باننده معتاد اولان وجهله مصافحه ایتدك .

توارقک آمونوقال ایدی نه عنوانی ویردکلی شریف احمد اورتا بوییدن بر آرقصه صو ک درجه ضعیف ، یمش بشلک براختیاردی . کنیش قوللی عرب کوملکندن چقان بازولرینك ، ساعدلرینك عضلاتی اختیارلق وضعیقلندن بوروشوق بر پرده کی صارقیور قوللری قیمتلندقجه سالانیوردی . کوملکینك آچیق یاقاسندن کوکسینك کمیکلری ، آغارمش بر اووچ قیللرک آراسندن دریسنی دله جک کی کورونیوردی . بوروشوق یوزنی وچکسنى تریم ایدن بیاض و سیرک صقالی کوکسینه دوشیوردی . سنه لک تخریبات ایزلری ایله چیزلمش ، بوروشمش و قوروشمش بووجودده یالکیز جالب دقت ایکی نقطه واردی ؛ بویوک برعمامه ایله مزین و آرقایه دوغری کییلمش تونس قسینک تماماً آچیق بیراقدیغنی کنیش و محذب الهی ایله اوچوروملر کنارنده یتیشمش بو کورتله ن چالیرنه بکزمه یه سرت وقاریشیق قاشلرینك آلتنده فوق العاده شمشکلر له پارلایان بر حیفت کوز ... جنلر سلطاننك یمش بش سنه لک اوزون عمرنده بریکدی رمش اولدیغنی بوتون حیات قدرتی وجودینك سائر اعضاسنی ترك اتمش بواکی درین کوزده بریکمشدی .

شریف احمدك چادرندن اوچ یوز متره ایلریده وادینك ایچنده بر موقعی اشارت

ایده رک چاووشه چادرلریمزك اورایه قورولمسی تنیه ایتدکدن صوکره شریف ایله فقیهه رفاقت ایتدم و عرب چادرینک ایچنه کیردک . چادرک مفروشاتی پک ساده ایدی ، اورقایه ایکی اوچ کلیم یاییلمش ، کنارلره سودان معمولاتندن برقاج دری یاصدیق آتیلمشدی . برکوشه ده شیخک اوراقنی احتوا ایتدیکی اکلاشیلان صاری دریدن برجیره - عرب چانطه سی کوریلوردی . شریف بانا یر کوستره رک ایتکا ایده جک بر یاصدیق اوزاتدقدن صوکره کندیس ده فقیه ایله یان یانه قارشیمه اوطوردیلر . صارقیق بالدرلی ضعیف باجقلرینی بوروندیکی عرب احرامنک ایچنه صاقلایه رق برمدت سکوت ایتدی . حال و خاطر سواللری نهایت بولدقدن صوکره اوآنه قدر یرکه معطوف دوران کوزلرینی قالدیردی و یوزیمه باقدی ؛ کوزلرنده ایلك کوردیکم آنده کی شیمشکلر یرینه اعماقی اولچوله من درینلکلر قائم اولمشدی : — بو طاغلرده بولش اولدیغم بعضی بزبری محکوکانی کورمک و تفسیرلرینی اکلامق ایستدیککزی فقیه محمد بانا یازدی . بومراقکزی تطمین ایتک پک قولای . فقط کونش شیمدی وادی نی چوق قیزدیرمشدر . ایکندی نمازندن صوکره چیقالم اولمازمی ؟ دیدی وجوابی بکلمه دن علاوه ایتدی : — بوتون کیجه اویومادن یورودیککز ایچون براز استراحت ده محتاجسکزر .

فی الحقیقه آفریقا چوللرنده کیجه یورویشدن صوکره کوندوزلری اوکله به قدر اویومق وایکندی وقتنه قدر یمک ویورویش حاضرلغنی یاپه رق اقشام سرینلکنده عربلرک سروه دیدیکلری کیجه یورویشه باشلامق معتاددر . بوتکلیف بنم اتباع ایده کلدیکم کادت مملکته موافقدی . شریف اورا چقده اوزانوب اویوما می تکلیف ایتدی . بن چادرده استراحتی ترجیح ایده رک کندیلرینه و داک ایتدم ؛ عسکرلرک قوردینی ایکی چادر دن عبارت قرارگاهه کلدیم . چادریمه کیروب یول قاریوله سنک اوزرینه اوزانمادن اول برکره ده امونوقال ایدی نهنک چادرینی کورمک ایستدم . عبدولک انتخاب ایلدیکی برله اختیارک چادری آراسنده جبل اودانک کسکین بر یچاق صیرتی کبی وادی زمینه اینن میللی بر اوچورومی برست حائل تشکیل ایدیوردی .

قالقدیم

وقت ظهره قدر درین اویومشم . قالدیغم زمان مزعج صحرا روزکاری وادی به دوضرو قوم دانه لرینی مبذولا صاوریوردی . آفریقا صحرا سنده وادیلرک اوچوروملی یماجلرینی قازان بو عامل طبیعی آنجق ایکندی وقتی اورتالق براز سرینله نجه سکون بولغه باشلار . بن ده ایکندی وقتی صبر سزلقه بکلیوردم .

جامی

(مابعدی وار)

عراپ — ۲۸

سید